



Kei te Kimi Kai

nā Paora Tibble
nā Vaitoa Baker ngā pikitia

Te Matapae

Ngā Mōhiotanga

Ngā Wheako
Whaiaro o Mua

He Whakatau – I mua i te pānuitanga i te pukapuka

- Me mātua whakatakoto te kaiako i tētahi tūāpapa mō te tamaiti kia kaingākau ai te tamaiti ki te pukapuka.
- Kia kaha ki te tō mai i ngā wheako whaiaro o te tamaiti e pā ana ki te horopaki.
- Me patapatai hei whakatenatena i te tamaiti ki te wānanga me te matapae i ngā kōrero o te pukapuka.

He tauira hei whakatau

1. Whakaaturia te uhi o te pukapuka ki te tamaiti. Uia ētahi pātai kia mōhio ai koe e pēhea ana ōna whakaaro mō te pukapuka.

Hei tauira: He aha ēnei ngārara? He pēhea te pūngāwerewere ki a koe? He aha ōu mōhiotanga mō te pūngāwerewere me te ngaro? Kai aha ai te pūngāwerewere?

2. Matapakihia te tapanga. Matapakihia ngā kārawarawa tuhituhi pēnei i ngā pū matua, ngā irakati, ngā tohu pātai me te aha noa atu.
3. Pātai atu: He aha ki tōu whakaaro te kaupapa o tēnei pukapuka?

Kupu Hou

- Me mātua whakaako te kaiako i ngā kupu hou i mua i te pānuitanga a te tamaiti i te pukapuka.
- Me wānanga te tamaiti i te tikanga o ngā kupu hou.
- Me rongo, me ako te tamaiti i te whakahua tika o ngā kupu hou.
- Me kite hoki te tamaiti i ngā kupu ā-tā o te pukapuka.

Te Whakaako i ngā Kupu Hou

- Kōrerotia ngā pikitia o te pukapuka
- Mahia he mahi whakaari
- Whakaaturia ētahi atu pikitia whai pānga
- Tautohua ngā kupu hou ā-tā.

Hei Mahi 1: He ngohe kupu tēnei hei whakaū i ngā kupu hou o te pukapuka. I mua i te ako kupu ā-tā, me mōhio te tamaiti ki te tikanga me te whakahua tika o te kupu.

Hei Mahi 2: He ngohe whakarongo tēnei kia whai take, kia aro ai te tamaiti ki te whakahua o te reo i a ia e whakarongo ana ki te kōpae.

Ka whakaraupapahia e ia ngā pikitia, i a ia e whakarongo ana ki te kōrero. Hei muri mai ka titiro atu ai ki te pukapuka.

He Wānanga – I muri i te pānuitanga i te pukapuka

Hei Mahi mā te Kaiako

- Āta whakaritea ngā pātai
- Āta whakaakohia ngā kupu hou
- Whakaharataungia ngā kupu waiwai

Pātai arotahi: Ko wai kei te kimi kai?

He Whakamāramatanga

Te whakawhiti kōrero

- Ka whakawhiti kōrero te kaiako me te ākonga
- Ka whai wāhi te ākonga ki te pānui atu ki te kaiako
- Ka aroturuki te kaiako.

He Tauira Pātai hei Whakapuaki Whakaaro

1. He aha te kaupapa o tēnei pukapuka?
2. E hia ngā waewae o te pūngāwerewere?
3. I kainga te pūngāwerewere e te aha?
4. Ka aha koe ka kite ana koe i te pūngāwerewere?
5. He aha a Manu i waiata ai i te mutunga o te kōrero?

Hei Mahitanga:

- Ko te whakarongo anō ki te kōpae
- Ko te pānui a te ākonga i a ia e whakarongo ana ki te kōpae
- Ko te pānui a te ākonga ki a ia anō me te kore kōpae
- Ko te pānui atu ki tētahi hoa
- Ko te whakaoti i tētahi atu Hei Mahi

He Ngohe

Hei mahi 3: He ngohe pānui

Hei mahi 4: He ngohe tuhituhi

Ingoa: _____ Te rā: ___/___/___

Kei te Kimi Kai

nā Paora Tibble

Tuhia he rārangi mai i te kupu ki te pikitia tika.



mate kai



tiāmu



pūngāwerewere

manu



ngaro



Ingoa: _____ Te rā: ___/___/___

Kei te Kimi Kai

nā Paora Tibble

I a koe e whakarongo ana ki te kōpae whakaraupapahia ngā pikitia i runga i tāu e rongō ai.



Ingoa: _____ Te rā: ___/___/___

Kei te Kimi Kai

nā Paora Tibble

Me whiwhi:



kutikuti



kāpia

Whakapirihia ngā kōrero e hāngai ana ki ia pikitia.



Kei te kai tiāmu te ngaro.

Kei te kai pūngāwerewere te manu.

Kei te kai ngaro te pūngāwerewere.

Ingoa: _____ Te rā: ____/____/____

Kei te Kimi Kai

nā Paora Tibble

Tuhia ngā kupu ki ngā wāhi tika. Tāngia he pikitia ki te pouaka 4.




Kei te kai tiāmu

Kei te kai ngaro

te _____ .

te _____ .



Kei te kai pūngāwerewere

Kei te kai _____

te _____ .

te _____ .

ngaro

pūngāwerewere

manu